



Na osnovu člana 13. Zakona o principima lokalne saomuprave u Federaciji BiH ("Službene novine Federacije BiH", broj 49/06 i 51/09), člana 19. Statuta Općine Novo Sarajevo ("Službene novine Kantona Sarajevo", broj: 5/20 - prečišćeni tekst i 20/20 - ispravka), Općinsko vijeće Novo Sarajevo na 35. redovnoj sjednici održanoj dana 28.03.2024. godine, donijelo je

ODLUKU
O IZMJENAMA I DOPUNAMA ODLUKE O DAVANJU U ZAKUP STANOVA NA KOJIMA
OPĆINA NOVO SARAJEVO IMA PRAVO RASPOLAGANJA

Član 1.

U Odluci o davanju u zakup stanova na kojima Općina Novo Sarajevo ima pravo raspolaganja („Službene novine Kantona Sarajevo“, br. 27/19) Član 7. stav (3) mijenja se i glasi:

„Ugovor o zakupu stana iz člana 2. tačke c) i d) zaključuje se na određeno vrijeme i to na period od tri godine sa mogućnosti produženja ukoliko nema zakonskih smetnji te ukoliko zakupoprimac ispunjava sve svoje obaveze predviđene ugovorom i ukoliko on ili član njegovog porodičnog domaćinstva nije riješio stambeno pitanje prema pravilima definisanim članom 12. Odluke.“

Član 2.

U članu 9. riječi „ Zakon o upraviteljima zajedničkih dijelova zgrade („Službene novine Kantona Sarajevo“, broj 19/17) mijenjaju se i glase : „ Zakon o upravljanju zajedničkim dijelovima zgrade („Službene novine Kantona Sarajevo“, broj 19/17 i 17/18)“

Član 3.

U članu 10. stav (8) iza riječi “ Reisa Fehima Spahe“, dodaju se riječi: “ raspoloživi stanovi na teritoriji drugih općina u Kantonu Sarajevo“

Član 4.

Član 12. mijenja se i glasi:

„(Uslovi za dodjelu stanova u zakup)

Stanovi se mogu dati u zakup licima koja nemaju riješeno stambeno pitanje.

Smatra se da lice nema riješeno stambeno pitanje ako on ili njegov član porodičnog domaćinstva:

- nije stekao status koji mu omogućava otkup stana shodno odredbama Zakona o prodaji stanova na kojima postoji stanarsko pravo F BiH (nosilac stanarskog prava, član porodičnog domaćinstva nosioca stanarskog prava, nasljednik prvog nasljednog reda nosioca stanarskog prava),
- nema u vlasništvu stan ili kuću,
- nema u suvlasništvu stan ili kuću do 1/3 idealnog dijela,
- nema bespravno izgrađeni stambeni objekat,
- nije korisnik sredstava donacije radi rješavanja stambenog pitanja,
- nije bio korisnik maksimalnog iznosa sredstava za rješavanje stambenog pitanja po propisima iz oblasti boračko-invalidske zaštite,
- ne stanuje kod svojih roditelja ili roditelja bračnog druga u porodičnoj stambenoj zgradi u dijelu zgrade koji predstavlja zasebnu stambenu jedinicu;

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



- nije se doveo u nepovoljan stambeni status prodajom ili darivanjem porodične kuće ili stana.“

Pod pojmom zasebna stambena jedinica, u smislu ovog člana, smatra se skup prostorija namijenjenih za stanovanje s pomoćnim prostorijama koji čine jednu građevinsku cjelinu i imaju zaseban ulaz. Stambeni status po ovom osnovu utvrđuje se od strane službe nadležne za stambene poslove.

Član 5.

Član 13. mijenja se i glasi:

„(Kategorije lica koja imaju pravo na dodjelu stana u zakup)

Stanovi iz člana 2. tačka c. mogu se dati u zakup licima koja nemaju riješeno stambeno pitanje i to:

1. Uposlenicima jedinstvenog općinskog organa uprave i Pravobranilaštva Općine Novo Sarajevo
2. Članovima porodice šehida - poginulog borca, umrlih ratnih vojnih invalida, djeci poginulih, umrlih i nestalih branilaca, djeci bez oba roditelja
3. Ratnim vojnim invalidima
4. Dobitnicima najvećih ratnih priznanja i odlikovanja
5. Demobilisanim borcima
6. Licima do navršenih 35 godina života
7. Civilnim žrtvama rata-logorašima i drugim kategorijama civilnih žrtava rata kojima je taj status priznat shodno Upustvu o postupku za priznavanje statusa civilne žrtve rata
8. Licima koja u skladu sa zakonom o socijalnoj zaštiti ostvaruju pravo na stalnu socijalnu pomoć
9. Licima zaposlenim u oblasti obrazovanja, sporta, kulture i zdravstva koji, u oblastima u kojima djeluju, postižu posebne rezultate
10. Raseljenim licima koji zbog nemogućnosti obnove prijeratnog doma nisu do sada ostvarili povrat stanarskog prava ili vlasništva na području općine Novo Sarajevo
11. Licima koja su ostavljena u općinskim stanovima nakon okončanog postupka za vraćanje stana Općini ili su im izvršna rješenja o iseljenju odložena, pod uslovom da ispunjavaju uslove iz ove Odluke
12. Porodicama koje u svom domaćinstvu imaju dijete ili odraslu osobu s poteškoćama u razvoju ili sa invaliditetom
13. Korisnicima najnižih penzija
14. Licima koja su do punoljestva bila šticenici domova za djecu bez roditeljskog staranja odnosno alternativne brige
15. Samohranim roditeljima koji nisu u bračnoj/vanbračnoj zajednici, a izdržavaju dijete odnosno djecu

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijec@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



Lica iz tačke 2 do 15 treba da imaju prebivalište na području Općine Novo Sarajevo kontinuirano u periodu zadnje dvije godine od dana objavljivanja Javnog oglasa.”

Član 6.

Član 14. mijenja se i glasi:

„(Javni oglas)

Postupak dodijele stanova u zakup provodi se na osnovu Javnog oglasa objavljenog na web stranici i oglasnoj tabli Općine Novo Sarajevo.“

Član 7.

Član 15. mijenja se i glasi:

„(Kriterij za bodovanje)

Dodijela stanova u zakup boduje se prema sljedećim kriterijima:

a) neriješeno stambeno pitanje

- podnosiocu prijave za oglas koji je bez stana pripada 100 bodova

Pod pojmom lice bez stana podrazumjeva se podstanar, lice koje stanuje u zgradi koja je odlukom nadležnog organa proglašena za rušenje ili lice koje je korisnik nužnog odnosno alternativnog smještaja, ili lice koje je izvjesno da će, zbog upravnog ili sudskog postupka koji traje ili koji će biti pokrenut na osnovu već podnesenoga zahtjeva, prijedloga ili tužbe, biti iseljeno iz stana ili neke druge stambene jedinice koje trenutno koristi pod uslovom da je trenutno korištenje zakonito i omogućeno aktom nadležnog organa i lice koje, do dana objavljivanja Javnog oglasa, stanuje kod rodbine ili prijatelja. Status podstanara se dokazuje ugovorom o podstanarskom odnosu ovjerenom od strane nadležne poreske uprave, a status korisnika nužnog smještaja rješenjem nadležnog organa, dok će se kao dokaz za moguće gubljenje prava na stan/stambenu jedinicu koja se trenutno koristi koristiti već donesena akta u konkretnom predmetu, a status lica koje do momenta objavljivanja Javnog oglasa stanuje kod rodbine ili prijatelja će se dokazivati izjavom dva svjedoka i uvjerenjem o kretanju.

Ugovor o podstanarskom odnosu smatrat će se relevantnim za bodovanje samo ukoliko je zaključen i ovjeren od strane porezne uprave do dana objavljivanja Javnog oglasa.

b) članovi porodičnog domaćinstva

- za svakog člana uključujući i podnosioca prijave pripada.....5 bodova

Zajednica života se utvrđuje kućnom listom koju podnosilac prijave na oglas za dodijelu stana ovjerava kod nadležnog organa uprave ili notara, kao i uvjerenjem o kretanju za sve članove porodičnog domaćinstva koji se navedu u kućnoj listi.

c) učešće u ratu

Podnosiocu prijave na oglas za dodijelu stana u zakup sa statusom demobilisanog borca ili lica raspoređenog na radnu obavezu i civilnu zaštitu pripadaju bodovi, kako slijedi:

- učešće u Oružanim snagama R BiH (u daljem tekstu: OS RBiH) za period trajanja ratnog stanja, za svaki mjesec.....2 boda

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



Podnosiocu prijave na oglas sa statusom člana porodice poginulog branioca/šehida bit će uračunati bodovi učešća u ratu lica po osnovu kojeg je ostvaren status koji ima.

- licima raspoređenim na radnu obavezu i civilnu zaštitu za vrijeme trajanja ratnog stanja za svaki provedeni mjesec.....1 bod

Period od 15 dana i više računa se kao puni mjesec, a za svaki period od 14 dana i manje učešće u OS RBiH ili radnoj obavezi i civilnoj zaštiti neće se bodovati.

d) porodica poginulih branilaca/šehida

- podnosiocu prijave na oglas sa statusom člana porodice poginulog branioca/šehida, umrlog ratnog vojnog invalida, djeteta poginulog, umrlog i nestalog branioca.....100 bodova

e) procenat oštećenja organizma

Podnosiocu prijave na oglas za dodijelu stana u zakup sa statusom ratnog vojnog invalida, u zavisnosti od utvrđene kategorije invalidnosti, pripada :

- 1) RVI sa procentom tjelesnog oštećenja 100% I i II grupe 100 bodova,
- 2) RVI sa procentom tjelesnog oštećenja 90% III grupe 80 bodova,
- 3) RVI sa procentom tjelesnog oštećenja 80% IV grupe 70 bodova,
- 4) RVI sa procentom tjelesnog oštećenja 70% V grupe 60 bodova,
- 5) RVI sa procentom tjelesnog oštećenja 60% VI grupe 50 bodova,
- 6) RVI sa procentom tjelesnog oštećenja 50% VII grupe 40 bodova,
- 7) RVI sa procentom tjelesnog oštećenja 40% VIII grupe 30 bodova,
- 8) RVI sa procentom tjelesnog oštećenja 30% IX grupe 20 bodova,
- 9) RVI sa procentom tjelesnog oštećenja 20% X grupe 10 bodova.

f) invalid rada

Podnosiocu prijave na oglas za dodijelu stana u zakup sa statusom invalida rada pripada:

- invalidu rada I kategorije.....70 bodova
- invalidu rada II kategorije.....30 bodova

Podnosiocu prijave koji je ostvario bodove po ovom kriteriju ne mogu se priznati bodovi i po kriteriju iz tačke k) ovog člana.

- g) civilna žrtva rata- -logorašima i drugim kategorijama civilnih žrtava rata kojima je taj status priznat shodno Upustvu o postupku za priznavanje statusa civilne žrtve rata
- podnosiocu prijave na oglas za dodijelu stana u zakup koji ima priznat status civilne žrtve rata, pripada.....70 bodova

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



Član 8.

Član 17. mijenja se i glasi:

„(Formiranje fonda za dodjelu stanova u zakup)

Općinski načelnik će, putem službe nadležne za stambene poslove, dostaviti Komisiji informaciju o raspoloživim stanovima koji, prema pravilima utvrđenim u ovoj Odluci, mogu biti predmetom zakupa.“

Član 9.

Član 21. mijenja se i glasi:

“(Procjena uslovnosti stana)

Uslovnost stana kao i eventualna sredstva koja su neophodna za postizanje uslovnosti konstatuje i procjenjuje općinska služba nadležna za stambene poslove.“

Član 10.

Član 22. mijenja se i glasi:

„(Procedura oglašavanja i uslovi Javnog oglasa)

Dodijela stanova u zakup iz člana 2. tačka c) pokreće se podnošenjem prijave na Javni oglas koji oglašava i provodi Komisija za poslove iz stambene oblasti (u daljem tekstu: Komisija).

Javni oglas za dodjelu stanova u zakup Komisija oglašava putem web stranice Općine Novo Sarajevo i oglasne table sa rokom trajanja od 30 dana.

Stručnu pomoć u provođenju Javnog oglasa, Komisiji pruža služba nadležna za stambene poslove.

Javni oglas sadrži:

- naziv i adresu organa kojem se prijave podnose,
- broj i strukturu stanova koji se daju u zakup,
- kategorije lica koja ostvaruju pravo zakupa,
- vrijeme trajanja Javnog oglasa,
- potrebnu dokumentaciju,
- vrijeme na koji se stanovi izdaju u zakup,
- cijena zakupa,
- uslove zakupa,
- kriterij za bodovanje,
- način i mjesto objavljivanja prijedloga rang liste,
- način donošenja konačne rang liste.

Prijave na Javni oglasa podnose se Komisiji putem službe nadležne za stambene poslove.

Podnosilac prijave dužan je priložiti dokumentaciju koja bude tražena u Javnom oglasu i u roku koji je određen za podnošenje prijava.

Prijave se mogu podnijeti za jedan ili više stanova koje podnosilac navede u prijavi.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



h) najveća ratna priznanja

- dobitnicima najvećeg ratnog priznanja i članovima porodice poginulog, nestalog ili umrlog dobitnika najvećeg ratnog priznanja u smislu Zakona o posebnim pravima dobitnika ratnih priznanja i odlikovanja i članova njihovih porodica („Službene novine F BiH“, broj 70/05, 61/06, 9/10 i 90/17)50 bodova

i) radni staž

- za svakih navršenih 12 mjeseci radnog staža podnosiocu prijave pripada.....10 bodova

j) prebivalište na teritoriji Općine Novo Sarajevo

- za svaku godinu neprekidnog prebivališta na teritoriji Općine Novo Sarajevo, osim za period 1992-1995. godine, podnosiocu prijave pripada..... 1 bod,
- za prebivalište podnosioca prijave u periodu 1992-1995. godine, za svaku godinu, računaju se2 boda.

Po ovom kriteriju podnosilac prijave može dobiti najviše 25 bodova.

k) zdravstveni status

- zdravstveno stanje20 bodova podnosiocu prijave ili članu njegovog porodičnog domaćinstva koji je teško bolestan.

Pod teškom bolestim smatraju se: respiratorne bolesti, bolesti koštano-mišićnog sistema i vezivnog tkiva, neuromišićne bolesti, maligna oboljenja, hirurska intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani) paraliza kao i sve druge teške i trajne bolesti utvrđene nalazom ovlaštene zdravstvene ustanove.

l) bračni/vanbračni status lica do 35 godina života, lica iz alternativne brige

- podnosiocu prijave do 35 godina života koji se nalaze u bračnoj/vanbračnoj zajednici sa dvoje ili više djece.....20 bodova
- podnosiocu prijave do 35 godina života koji se nalaze u bračnoj/vanbračnoj zajednici sa jednim djetetom..... 15 bodova
- podnosiocu prijave do 35 godina života koji se nalaze u bračnoj zajednici bez djece..... 10 bodova
- podnosiocu prijave do 35 godina života koji se ne nalaze u bračnoj zajednici.....5 bodova

Uslov za bodovanje po ovom kriteriju je da su oba bračna druga/člana vanbračne zajednice mlađi od 35 godina života.

Licima koja su bila u alternativnoj brizi pripada...40 bodova

m) školska sprema

- ukoliko podnosilac prijave ili član njegovog porodičnog domaćinstva (bračni drug ili dijete) posjeduje visoku školsku spremu, podnosiocu prijave pripada 10 bodova.

Ukoliko dva ili više lica, po osnovu kriterija i mjerila utvrđenih ovim članom, budu imala isti broj bodova, prednost na rang listi će se dati licu koje ima veći broj bodova po osnovu prebivališta na teritoriji Općine Novo Sarajevo.

Ako dva ili više lica budu imala isti broj bodova po osnovu prebivališta na teritoriji Općine Novo Sarajevo prednost u odnosu na rang listu će odrediti Komisija.“

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijec@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



Neblagovremene, nepotpune i neosnovane prijave Komisija neće uzimati u razmatranje o čemu će se podnosioca takve prijave, od strane Komisije, pismeno upoznati.“

Član 11.

Član 23. mijenja se i glasi:

“(Zapisnik o otvaranju prijava)

O otvaranju, rangiranju i bodovanju prijava vodi se zapisnik. Zapisnik se vodi od strane ovlaštenog lica službe nadležne za poslove Općinskog vijeća, Općine Novo Sarajevo.“

Član 12.

Član 24. mijenja se i glasi:

„(Prijedlog rang liste i pravo na prigovor)

Nakon što izvrši bodovanje, Komisije utvrđuje prijedlog rang liste za svaki pojedinačni stan i objavljuje ga na oglasnoj tabli Općine Novo Sarajevo u trajanju od 15 dana.

Prigovor na prijedlog rang liste može se podnijeti Komisiji za poslove iz stambene oblasti u roku od 15 dana od dana objavljivanja na oglasnoj tabli i samo od strane lica koja se nalaze na rang listi.

Ukoliko Komisija utvrdi da je podneseni prigovor osnovan, korigovati će rang listu na koju je prigovor uložen i kao takvu utvrditi kao konačan prijedlog koji će uputiti Općinskom vijeću na odlučivanje.

O usvojenom prigovoru Komisija će pismeno obavjestiti podnosioca prigovora kao i lice koje po prigovoru, eventualno, promijeni poziciju utvrđenu prijedlogom rang liste.

O prigovoru koji ne bude usvojen Komisija će pismeno obavjestiti podnosioca prigovora.“

Član 13.

Član 25. mijenja se i glasi:

„(Utvrđivanje konačnog prijedloga rang liste)

Ukoliko na prijedlog rang liste nije bilo prigovora, Komisija će utvrditi konačan prijedlog rang liste za svaki pojedinačno stan i dostaviti ga Općinskom vijeću na usvajanje.

Odluka Komisije donesena u smislu prethodnog stava je konačna i ista se ne može pobijati pravnim lijekovima“.

Član 14.

Član 26. mijenja se i glasi:

„(Zaključivanje ugovora)

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



Nakon što Općinsko vijeće usvoji konačnu/e rang listu/e, Općinski načelnik pristupa zaključivanju ugovora o zakupu stana sa licem/ima koja su na rang listi ostvarila najveći broj bodova.

Ukoliko lice koje ostvari najveći broj bodova ne pristane na zaključivanje ugovora o zakupu, zaključivanje ugovora će se ponuditi narednom kandidatu sa liste i tako redom sve do konačnog zaključivanja ugovora.

Ukoliko podnosilac prijave ostvari najveći broj bodova na više od jedne rang liste, ugovor o zakupu stana će se zaključiti za stan sa najvećom kvadraturom.

U slučaju da su predmet Javnog oglasa stanovi sa istom kvadraturom, Komisija će predložiti Općinskom načelniku za koji od stanova će biti zaključen ugovor o zakupu stana. “

Član 15.

Član 29. mijenja se i glasi:

„ (Zatečeni korisnici stanova)

Licima koja koriste stanove na kojima Općina Novo Sarajevo ima pravo raspolaganja, a koja nad tim stanovima, nisu stekla stanarsko pravo niti pravo zakupa može biti ponuđeno zaključivanje ugovora o zakupu stana mimo oglasa.

Licima iz stava (1) ovog člana smatraju se lica koja nemaju riješeno stambeno pitanje shodno članu 12. Odluke, a spadaju u kategorije lica koja se nalaze u posjedu stana i stan koriste bez valjanog pravnog osnova u slučaju da je protekao zakonom utvrđeni rok za pokretanje postupka iseljenja takvih lica putem nadležnog stambenog organa koji je definisan odredbama Zakona o stambenim odnosima F BiH (Službene novine F BiH“ broj 11/98, 38/98 i 51/07).

Općinski načelnik će, po stupanju na snagu ove Odluke, putem nadležne službe za stambene poslove, licima navedenim u stavu (2) ovog člana, uputiti poziv za neposredno zaključivanje ugovora o zakupu.

Ugovor o zakupu stana će se zaključiti na period od 3 godine i isti se može produžavati pod uslovom da zakupac nije riješio svoje stambeno pitanja na način definisan članom 12. ove Odluke.

Zakupnina za stanove koje koriste lica iz stava (2) ovog člana utvrdit će se u iznosu od 1, 50 KM po m2.

Izuzetno od prethodnih pravila, iznos naknade neće se utvrđivati za stanove čiji su korisnici lica koja su nosioci stanarskog prava na drugom stanu/članovi porodičnog domaćinstva posljednjeg nosioca stanarskog prava shodno članu 6. Zakona o stambenim odnosima F BiH na drugom stanu koji se nalazi u zgradi opasnoj za život i zdravlje ljudi okolne građevine i saobraćaj, a stan koriste po osnovu saglasnosti nadležne službe, Komisije za poslove iz stambene oblasti i odluke Općinskog vijeća Općine Novo Sarajevo.

Lica iz prethodnog stava, u obavezi su zaključiti ugovor o davanju stana bez naknade u kojem će se regulisati međusobna prava i obaveze korisnika stana i Općine Novo Sarajevo i to na period od tri godine sa mogućnosti produženja ukoliko se ne budu promijene okolnosti u odnosu na član 12. ove Odluke.

Ukoliko se lica iz stava (2) ovog člana, u roku od 30 dana od dana prijema poziva za zaključivanje ugovora, ne odazove pozivu, odnosno ne izrazi volju da stupi u ugovorni odnos sa Općinom Novo Sarajevo, isti će se pozvati da vrati stambenu jedinicu koju koristi, a u suprotnom će biti pokrenut postupak prinudnog iseljenja.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijec@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



Postupak uvođenja u pravo zatečenih korisnika stanova provodi općinska služba nadležna za stambene poslove, nakon čega Općinski načelnik zaključuje ugovor kojim će biti regulisana međusobna prava i obaveze.

Član 16.

Član 30. briše se tako da dosadašnji član 31. postaje član 30 i tako dalje.

PRELAZNE I ZAVRŠNE ODREDBE


Član 17.

Ugovori koji su zaključeni do dana stupanja na snagu ove Odluke produžavat će se u skladu sa odredbama i uslovima definisanim u tom ugovoru.

Član 18.

Ova odluka stupa na snagu danom donošenja, a naknadno će se objaviti u „Službenim novinama Kantona Sarajevo“.

Broj: 02OV-01-1-3458/24
Sarajevo, 28.03.2024.godine



Predsjedavajuća
Općinsko vijeće Novo Sarajevo
Daniela Šahat

